

## Ezekiel / יחזקאל - According to Dead Sea Scrolls Manuscripts Combined

### Chapter 1

Verses 1 - 7 not extant among Dead Sea Scrolls

**8** וידו אדם מתחת כנפיהם על ארבעת רבעיהם ופניהם וכנפיהם לארבעתם:

**9** חברת אשה אל אחותה כנפיהם לא יסבו בלכתם איש אל עבר פניו ילכו:

**10** ודמות פניהם פני אדם ופני אריה אל הימין לארבעתם ופני שור מהשמאול לארבעתם ופני נשר לארבעתם:

**11** ופניהם וכנפיהם פרדות מלמעלה לאיש שתים חברות ושתיים מכסות את גויתיהנה:

**12** ואיש אל עבר פניו ילכו אל אשר יהיה שמה הרוח ללכת ילכו לא יסבו בלכתן:

**13** ודמות החיות מראיהם כגחלי אש בערות כמראה הלפידים היא מתהלכת בין החיות ונגה לאש ומן האש יצא ברק:

Verses 14 - 15 not extant among Dead Sea Scrolls

**16** מראה האופנים ומעשיהם כעין תרשיש ודמות אחד לארבעתן ומראיהם ומעשיהם כאשר יהיה האופן בתוך האופן:

**17** על ארבעת רבעיהן בלכתם ילכו לא יסבו בלכתן:

Verse 18 not extant among Dead Sea Scrolls

**19** ובלכת החיות ילכו האופנים אצלם ובהנשא החיות מעל הארץ ינשאו

**20** על אשר יהיה שם הרוח ללכת ילכו שמה הרוח ללכת והאופנים ינשאו לעמתם כי רוח החיה באופנים:

**21** בלכתם ילכו ובעמדם יעמדו ובהנשאם מעל הארץ ינשאו האופנים לעמתם כי רוח החיה באופנים:

**22** ודמותם על ראשי החיה רקיע כעין הקרח הנורא נטוי על ראשיהם מלמעלה:

**23** ותחת הרקיע כנפיהם ישרות אשה אל אחותה לאיש שתים מכסות להנה ולאיש שתים מכסות להנה את גויתיהם:

**24** ואשמע את קול כנפיהם כקול מים רבים כקול שדי בלכתם קול המלה כקול מחנה בעמדם תרפינה כנפיהן:

Verses 25 - 28 not extant among Dead Sea Scrolls

Chapters 2 - 3 not extant among Dead Sea Scrolls

#### **Chapter 4**

Verses 1 - 2 not extant among Dead Sea Scrolls

<sup>3</sup> ואתה קח לך מחבת ברזל ונתתה אותה קיר ברזל בינך ובין העיר והכינתה את פניך אליה והיתה במצור וצרת עליה אות היא לבית ישראל:

<sup>4</sup> ואתה שכב על צדך השמאלי ושמת את עון בית ישראל עליו מספר הימים אשר תשכב עליו תשא את עונם:

<sup>5</sup> ואני נתתי לך את שני עונם למספר ימים שלש מאות ותשעים יום ונשאת עון בית ישראל:

<sup>6</sup> וכלית את אלה ושכבת על צדך הימוני שנית ונשאת את עון בית יהודה ארבעים יום יום לשנה יום לשנה נתתיו לך:

Verses 7 - 8 not extant among Dead Sea Scrolls

<sup>9</sup> ואתה קח לך חטין ושערים ופול ועדשים ודחן וכסמים ונתתה אותם בכלי אחד ועשית אותם לך ללחם מספר הימים אשר אתה שוכב על צדך שלש מאות ותשעים יום תאכלנו:

<sup>10</sup> ומאכלך אשר תאכלנו במשקול עשרים שקל ליום מעת עד עת תאכלנו:

Verses 11 - 14 not extant among Dead Sea Scrolls

<sup>15</sup> ויאמר אלי ראה נתתי לך את צפועי הבקר תחת גללי האדם ועשית את לחמך עליהם:

<sup>16</sup> ויאמר אלי בן אדם הנני שבר מטה לחם בירושלם ואכלו לחם במשקל ובדאגה ומים במשורה ובשממון ישתו:

<sup>17</sup> למען יחסרו לחם ומים ונשמו איש ואחיו ונמקו בעונם:

## Chapter 5

**1** ואתה בן אדם קח לך חרב חדה תער הגלבים תקחנה לך והעברת על ראשך ועל זקנך ולקחת לך מאזני משקל וחלקתם:

Verses 2 - 10 not extant among Dead Sea Scrolls

**11** ובכל תועבתיך וגם אני אגרע ולא תחוס עיני וגם אני לא אחמול:

**12** שלשתיך בדבר ימותו וברעב יכלו בתוכך והשלשית בחרב יפלו סביבותיך והשלישית לכל רוח אזרה וחרב אריק אחריהם:

**13** וכלה אפי והנחותי חמתי במ והנחמתי וידעו כי אני יהוה דברתי בקנאתי בכלותי חמתי במ:

**14** ואתנך לחרבה ולחרפה בגוים אשר סביבותיך לעיני כל עובר:

**15** והית חרפה וגדופה מוסר ומשמה לגוים אשר סביבותיך בעשותי בכ שפטים באף ובחמה בתכחות חמה אני יהוה דברתי:

**16** בשלחי את חצי הרעב הרעים בהם אשר היו למשחית אשר אשלח אתם לשחתכם ורעב אסף עליכם ושברתי לכם מטה לחם:

**17** ושלחתי עליכם רעב וחיה רעה ושכלך ודבר ודם יעבר בכ וחרב אביא עליך אני:

Chapter 6 not extant among Dead Sea Scrolls

## Chapter 7

Verses 1 - 8 not extant among Dead Sea Scrolls

**9** ולא תחוס עיני ולא אחמול כדרכיך עליך אתן ותועבותיך בתוכך תהיין וידעתם כי אני יהוה מכה:

Verse 10 not extant among Dead Sea Scrolls

**11** החמס קם למטה רשע לא מהם ולא מהמונם ולא מהמהם ולא נה בהם:

**12** בא העת הגיע היום הקונה אל ישמח והמוכר אל יתאבל כי חרון אל כל המונה:

Verses 13 - 27 not extant among Dead Sea Scrolls

Chapters 8 - 9 not extant among Dead Sea Scrolls

## Chapter 10

Verses 1 - 5 not extant among Dead Sea Scrolls

**5** וקול כנפי הכרובים נשמע עד החצר החיצנה כקול אל שדי בדברו:

**6** ויהי בצותו את האיש לבש הבדים לאמר קח אש מבינות לגלגל מבינות לכרובים ויבא ויעמד אצל האופן:

**7** וישלח הכרוב את ידו מבינות לכרובים אל האש אשר בינות הכרובים וישא ויתן אל חפני לבש הבדים

ויקח ויצא:

8 וירא לכרבים תבנית ידי אדם תחת כנפיהם:

9 ואראה והנה ארבעה אופנים אצל הכרובים אופן אחד אצל הכרוב אחד ואופן אחד אצל הכרוב אחד ומראה האופנים כעין אבן תרשיש:

10 ומראיהם דמות אחד לארבעתם כאשר יהיה האופן בתוך האופן:

11 בלכתם אל ארבעת רבעיהם ילכו לא יסבו בלכתם כי המקום אשר יפנה הראש אחריו ילכו לא יסבו בלכתם:

12 וכל בשרם וגבהם וידיהם וכנפיהם והאופנים מלאים עינים סביב לארבעתם אופניהם:

13 לאופנים להם קורא הגלגל באזני:

14 וארבעה פנים לאחד פני האחד פני הכרוב ופני השני פני אדם והשלשי פני אריה והרביעי פני נשר:

15 וירמו הכרובים היא החיה אשר ראיתי בנהר כבר:

16 ובלכת הכרובים ילכו האופנים אצלם ובשאת הכרובים את כנפיהם לרום מעל הארץ לא יסבו האופנים גם הם מאצלם:

17 בעמדם יעמדו וברומם ירמו אותם כי רוח החיה בהם:

18 ויצא כבוד יהוה מעל מפתן הבית ויעמד על הכרובים:

19 וישאו הכרובים את כנפיהם וירמו מן הארץ לעיני בצאתם והאופנים לעמתם ויעמד פתח שער בית יהוה הקדמוני וכבוד אלהי ישראל עליהם מלמעלה:

20 היא החיה אשר ראיתי תחת אלהי ישראל בנהר כבר ואדע כי כרובים המה:

<sup>21</sup> ארבעה ארבעה פנים לאחד וארבעה כנפים לאחד ודמות ידי אדם תחת כנפיהם:

<sup>22</sup> ודמות פניהם המה הפנים אשר ראיתי על נהר כבר מראיהם ואותם איש אל עבר פניו ילכו:

## Chapter 11

<sup>1</sup> ותשא אתי רוח ותבא אתי אל שער בית יהוה הקדמוני הפונה קדמה והנה בפתח השער עשרים וחמשה

איש ואראה בתוכם את יאזניה בן עזר ואת פלטיהו בן בניהו שרי העם:

<sup>2</sup> ויאמר אלי בן אדם אלה האנשים החשבים און'היעצים עצת רע בעיר הזאת:

<sup>3</sup> האמרים לא בקרוב בנות בתים היא הסיר ואנחנו הבשר:

Verse 4 not extant among Dead Sea Scrolls

<sup>5</sup> ותפל עלי רוח יהוה ויאמר אלי אמר כה אמר יהוה כן אמרתם בית ישראל ומעלות רוחכם אני ידעתי:

<sup>6</sup> הרביתם חלליכם בעיר הזאת ומלאתם חוצתיה חלל:

<sup>7</sup> לכן כה אמר אדני יהוה חלליכם אשר שמתם בתוכה המה הבשר והיא הסיר ואתכם הוציא מתוכה:

<sup>8</sup> חרב יראתם וחרב אביא עליכם נאם אדני יהוה:

<sup>9</sup> והוצאתי אתכם מתוכה ונתתי אתכם ביד זרים ועשיתי בכם שפטים:

<sup>10</sup> בחרב תפלו על גבול ישראל אשפוט אתכם וידעתם כי אני יהוה:

<sup>11</sup> היא לא תהיה לכם לסיר ואתם תהיו בתוכה לבשר אל גבול ישראל אשפט אתכם:

Verses 12 - 18 not extant among Dead Sea Scrolls

**19** ונתתי להם לב אחד ורוח חדשה אתן בקרבכם והסרתיו לב האבן מבשרם ונתתי להם לב בשר:

Verses 20 - 25 not extant among Dead Sea Scrolls

Chapters 12 - 15 not extant among Dead Sea Scrolls

### **Chapter 16**

Verses 1 - 30 not extant among Dead Sea Scrolls

**31** בבנותיך גבך בראש כל דרך ורמתך עשיתי בכל רחוב ולא הייתי כזונה לקלס אתנן:

Verse 32 not extant among Dead Sea Scrolls

**33** לכל זנות יתנו נדה ואת נתת את נדניך לכל מאהביך ותשחדי אותם לבוא אליך מסביב בתזנותיך:

Verses 34 - 63 not extant among Dead Sea Scrolls

Chapters 17 - 22 not extant among Dead Sea Scrolls

### **Chapter 23**

Verses 1 - 13 not extant among Dead Sea Scrolls



14 ותוסף אל תזנותיה ותרא אנשי מחקה על הקיר צלמי כשדיים חקקים בששר <sup>1</sup>???:

15 ??? חגורי אזור במתניהם סרוחי טבולים בראשיהם מראה שלשים כלם דמות בני בבל כשדים ארץ מולדותם:

17 ויבאו אליה בני בבל למשכב דדים ויטמאו אותה בתזנותם ותטמא במ ותקע נפשה מהם:

18 ותגל תזנותיה ותגל את ערותה ותקע נפשי מעליה כאשר נקעה נפשי מעל אחותה:

Verses 19 - 43 not extant among Dead Sea Scrolls

44 ויבאו אליה כבוא אל אשה זונה כן באו אל אהליבה אשת הזמה:

45 ואנשים צדיקים המה ישפטתו אתהם משפט נאפות ומשפט שפכות דם כי נאפות הנהודם בידיהן:

46 כי כה אמר יהוה העלה עליהם קהל ונתן אותה לזעוה ולבוז:

47 ורגמו עליהן אבן קהל וברא אותהן בחרבותם בניהם ובנותיהם יהרגו ובתיהן באש ישרפו:

Verses 48 - 49 not extant among Dead Sea Scrolls

## Chapter 24

Verse 1 not extant among Dead Sea Scrolls

<sup>2</sup> בן אדם כתוב לך את שם היום את עצם היום הזה סמך מלך בבל אל ירושלם בעצם היום הזה:

---

<sup>1</sup> The space left in the un-extant portion of 4QEzek<sup>a</sup> indicates that either: there was a longer ending to verse 14; a longer beginning to verse 15; or a non-extant section of words which has been lost to history.

**3** ומשל אל בית המרי משל ואמרת אליהם כה אמר אדני יהוה שפת הסיר שפת וגם יצק בו מים:

Verses 4 - 27 not extant among Dead Sea Scrolls

Chapters 25 - 34 not extant among Dead Sea Scrolls

### **Chapter 35**

Verses 1 - 10 not extant among Dead Sea Scrolls

**11** לכן חי אני נאם אדני יהוה ועשיתי כאפך וכקנאתך אשר עשיתה משנאתיך בם ונודעתי בם כאשר  
אשפטך:

**12** וידעת כי אני יהוה שמעתי את כל נאצותיך אשר אמרת על הרי ישראל לאמר שממה לנו נתנו לאוכלה:

**13** ותגדילו עלי בפיכם והעתרתם עלי דבריכם אני שמעתי:

**14** כה אמר אדני יהוה כשמחת כל הארץ שממה אעשה לך:

**15** כשמחתך לנחלת בית ישראל על אשר שממה כן אעשה לך שממה תהיה הר שעיר וכל אדום כלה וידעו  
כי אני יהוה:

### **Chapter 36**

**1** ואתה בן אדם הנבא אל הרי ישראל ואמרת הרי ישראל שמעו דבר יהוה:

<sup>2</sup> כה אמר אדני יהוה יען אמר האויב עליכם האח ובמות עולם למורשה היתה לנו:

<sup>3</sup> לכן הנבא ואמרת כה אמר אדני יהוה יען ביען שמות ושאף אתכם מסביב להיותכם מורשה לשארית הגוים ותעלו על שפת לשון ודבת עם:

<sup>4</sup> לכן הרי ישראל שמעו דבר אדני יהוה כה אמר אדני יהוה להרים ולגבעות לאפיקים ולגאיות ולחרבות השממות ולערים הנעזבות אשר היו לבז וללעג לשארית הגוים אשר מסביב:

<sup>5</sup> לכן כה אמר אדני יהוה אם לא באש קנאתי דברתי על שארית הגוים ועל אדום כלא אשר נתנו את ארצי להם למורשה בשמחת כל לבב בשאט נפש למען מגרשה לבז:

<sup>6</sup> לכן הנבא על אדמת ישראל ואמרת להרים ולגבעות לאפיקים ולגאיות כה אמר אדני יהוה הנני בקנאתי ובחמתי דברתי יען כלמת גוים נשאתם:

<sup>7</sup> לכן כה אמר אדני יהוה אני נשאתי את ידי אם לא הגוים אשר לכם מסביב המה כלמתם ישאו:

<sup>8</sup> ואתם הרי ישראל ענפכם תתנו ופריכם תשאו לעמי ישראל כי קרבו לבוא:

<sup>9</sup> כי הנני אליכם ופניתי אליכם ונעבדתם ונזרעתם:

<sup>10</sup> והרביתי עליכם אדם כל בית ישראל כלה ונשבו הערים והחרבות תבנינה:

Verses 11 - 12 not extant among Dead Sea Scrolls

<sup>13</sup> כה אמר אדני יהוה יען אמרים לכם אכלת אדם ומשכלת גויך היית:

<sup>14</sup> לכן אדם לא תאכלי עוד וגויך לא תכשלי עוד נאם אדני יהוה:

- 17 בן אדם בית ישראל ישבים על אדמתם ויטמאו אתה בדרכם ובעלילותם כטמאת הנדה היתה דרכם לפני:  
18 ואשפך חמתי עליהם על הדם אשר שפכו על הארץ ובגילוליהם טמאוה:  
19 ואפיץ אתם בגוים ויזרו בארצות כדרכם וכעלילותם שפטתים:  
20 ויבוא אל הגוים אשר באו שם ויחללו את שם קדשי באמר להם עם יהוה אלה ומארצו יצאו:  
21 ואחמל על שם קדשי אשר חללהו בית ישראל בגוים אשר באו שם:  
22 לכן אמר לבית ישראל כה אמר אדני יהוה לא למענכם אני עשה בית ישראל כי אם לשם קדשי אשר  
חללתם בגוים בית אשר באתם שם:  
23 וקדשתי את שמי הגדול המחלל בגוים אשר חללתם בתוכם וידעו הגוים כי אני יהוה נאם אדני יהוה  
בהקדשי בכם לעיניהם:  
24 ולקחתי אתכם מן הגוים וקבצתי אתכם מכל הארצות והבאתי אתכם אל אדמתכם:  
25 וזרקתי עליכם מים טהורים וטהרתם מכל טמאותיכם ומכל גלוליכם אטהר אתכם:  
26 ונתתי לכם לב חדש ורוח חדשה אתן בקרבכם והסרותי את לב האבן מבשרכם ונתתי לכם לב בשר:  
27 ואת רוחי אתן בקרבכם ועשיתי את אשר בחקי תלכו ומשפטי תשמרו ועשיתם:  
28 וישבתם בארץ אשר נתתי לאבותיכם והייתם לי לעם ואנכי אהיה לכם לאלהים:  
29 והושעתי אתכם מכל טמאותיכם וקראתי אל הדגן והרביתי אתו ולא אתן עליכם רעב:  
30 והרביתי את פרי העץ ותנובת השדה למען אשר לא תקחו עוד חרפת רעב בגוים:

31 וזכרתם את דרכיכם הרעים ומעלליכם אשר לא טובים ונקטתם בפניכם על עונתיכם ועל תועבותיכם:

32 לא למענכם אני עשה נאם אדני יהוה יודע לכם בושו והכלמו מדרכיכם בית ישראל:

33 כה אמר אדני יהוה ביום טהרי אתכם מכל עונותיכם והושבתי את הערים ונבנו החרבות:

34 והארץ הנשמה תעבד תחת אשר היתה שממה לעיני כל עובר:

35 ואמרו הארץ הלזו הנשמה היתה כגן עדן והערים החרבות והנשמות והנהרסות בצורות ישבו:

Verses 36 - 38 not extant among Dead Sea Scrolls

### Chapter 37

1 היתה עלי יד יהוה ויוצאני ברוח יהוה ויניחני בתוך הבקעה והיא מלאה עצמות:

2 והעבירני עליהם סביב סביב והנה רבות מאד על פני הבקעה והנה יבשות מאד:

3 ויאמר אלי בן אדם התחיינה העצמות האלה ואמר אדני יהוה אתה ידעת:

4 ויאמר אלי הנבא על העצמות האלה ואמרת אליהם העצמות היבשות שמעו דבר יהוה:

5 כה אמר אדני יהוה לעצמות האלה הנה אני מביא בכם רוח וחייתם:

6 ונתתי עליכם גידים והעליתי עליכם בשר וקרמתי עליכם עור ונתתי בכם רוח וחייתם וידעתם כי אני

יהוה:

7 ונבאתי כאשר צויתי ויהי קול כהנבאי והנה רעש תקרבו העצמות עצם אל עצמו:

8 וראיתי והנה עליהם גדים ובשר עלה ויקרם עליהם עור מלמעלה ורוח אין בהם:

<sup>9</sup> ויאמר אלי הנבא אל הרוח הנבא בן אדם ואמרת אל הרוח כה אמר אדני יהוה מארבע רוחות באי הרוח  
ופחי בהרוגים האלה ויחיו:

<sup>10</sup> והנבאתי כאשר צוני ותבא בהם הרוח ויחיו ויעמדו על רגליהם חיל גדול מאד מאד:

<sup>11</sup> ויאמר אלי בן אדם העצמות האלה כל בית ישראל המה הנה אמרים יבשו עצמותינו ואבדה תקותנו נגזרנו  
לנו:

<sup>12</sup> לכן הנבא ואמרת אליהם כה אמר אמר אדני יהוה הנה אני פתח את קברותיכם והעליתי אתכם  
מקברותיכם עמי והבאתי אתכם אל אדמת ישראל:

<sup>13</sup> וידעתם כי אני יהוה בפתחי את קברותיכם ובהעלותי אתכם מקברותיכם עמי:

<sup>14</sup> ונתתי רוחי בכם וחייתם והנחתי אתכם על אדמתכם וידעתם כי אני יהוה דברתי ועשיתי נאם יהוה:

Verse 15 not extant among Dead Sea Scrolls

<sup>16</sup> ואתה בן אדם קח לך עץ אחד וכתב עליו ליהודה ולבני ישראל חברו ולקה עץ אחד וכתוב עליו ליוסף עץ  
אפרים וכל בית ישראל חברו:

Verses 17 - 22 not extant among Dead Sea Scrolls

<sup>23</sup> ולא יטמאו עוד בגלוליהם ובשקוציהם ובכל פשעיהם והושעתי אתם מכל מושבתייהם אשר חטאו בהם  
וטהרתי אותם והיו לי לעם ואני אהיה להם לאלהים:

Verses 24 - 27 not extant among Dead Sea Scrolls

<sup>28</sup> וידעו הגוים כי אני יהוה מקדש את ישראל בהיות מקדשי בתוכם לעולם:

## Chapter 38

<sup>1</sup> ויהי דבר יהוה אלי לאמר:

<sup>2</sup> בן אדם שים פניך אל גוג ארץ המגוג נשיא ראש משך ותבל והנבא עליו:

<sup>3</sup> ואמרת כה אמר אדני יהוה הנני אליך גוג נשיא ראש משך ותבל:

<sup>4</sup> ושובבתיך ונתתי חחים בלחיך והוצאתי אותך ואת כל חילך סוסים ופרשים לבשי מכלול כלם קהל רב צנה ומגן תפשי חרבות כלם:

Verses 5 - 6 not extant among Dead Sea Scrolls

<sup>7</sup> הכן והכן לך אתה וכל קהלך הנקהלים עליך והיית להם למשמר:

<sup>8</sup> מימים רבים תפקד באחרית השנים תבוא אל ארץ משובבת מחרב מקבצת מעמים רבים על הרי ישראל אשר היו לחרבה תמיד והיא מעמים הוצאה וישבו לבטח כלם:

Verses 9 - 23 not extant among Dead Sea Scrolls

Chapters 39 - 40 not extant among Dead Sea Scrolls

## Chapter 41

Verses 1 - 2 not extant among Dead Sea Scrolls

**3** ובא לפנימה וימד איל הפתח שתים אמות והפתח שש אמות ורחב הפתח שבע אמות:

**4** וימד את ארכו עשרים אמה ורחב עשרים אמה אל פני ההיכל ויאמר אלי זה קדש הקדשים:

**5** וימד קיר הבית שש אמות ורחב הצלע ארבע אמות סביב סביב לבית:

**6** והצלעות צלע אל צלע שלוש ושלשים פעמים ובאות בקיר אשר לבית לצלעות סביב סביב להיות אחוזים ולא יהיו אחוזים בקיר הבית:

Verses 7 - 26 not extant among Dead Sea Scrolls

Chapters 42 - 48 not extant among Dead Sea Scrolls